

15.11.2021

UKA2021/170

Savalimmiuni, Kalaallit Nunaanni Islandimilu Naalakkersuisut nunani ataasiakkaani nunani avannarlerni suleqatigiinnermut naalakkersuisut aqutugalugit suleqatigiinnermik annertusaaqqullugit Nunat Avannarliit Killiit Siunnersuisoqatigiiffiannit kaammattorneqarput, matumani naalakkersuisut pineqartut minnerpaamik ukiumut ataasiarlutik, Nunat Avannarliit Killiit Siunnersuisoqatigiiffianni kaammattuutitut aalajangersakkanik naalakkersuisunullu qinnuteqaatinik oqallisiginnillutik ataatsimiittarnissartik pillugu isumaqatigiissuteqarlutik, oqaloqatigiittarnikkut, isumassarsianik, ilisimasanik il.il. avitseqatigiittarnikkut suleqatigiinnermik siuarsaallutik.

(Aallartitat siulittaasuat Pipaluk Lyng-Rasmussen)

Nunat Avannarliit Killiit siunnersuisoqatigiivi sinnerlugit Pipaluk Lyng-Rasmussen saqqummiussineranut qutsavigaarput.

Inatsisartut sinnerlugit Nunani Avannarlerni Killerni suleqataanitsinni Siumumiik siunnersuuteqartarpugut nunatta, Savalimmiut Islandillu ineriartornikkut iluaqutigisinnaasaannik, soorlu inuussutissarsiutitigut, peqqinnissakkut, inunnik isumaginninnikkut, ilinniartitaanikkut, kultoorikkut allarpasuutigullu.

Nunat Avannarliit Killerni suleqatigiinneq nunatsinnut pingaaruteqarpoq nunammi qanigisat eqaannerusumik suleqatigisinnaaneri avitseqatigisinnaanerilu nunatsinnut inuinullu iluaqutaasinnaasarmat.

Maanna Nunani Avannarlerni Killerni siunnersuutigineqarpoq Inatsisartutigit suleqatigiinneq kisimi pinnani Naalakkersuisutigit aqqissuussaannerusumik ilisimasanik allanillu suleqatigiinneq nukittorsarneqassasoq soorlu aaliangersimasumik ukiumut ataasiarluni naapittarnikkut ass. Nunat Avannarliit Killiit ataatsimiittarnerini peqataanikkut avataatigulluunniit pisarsinnaasoq siunnersuutigineqarluni.

Siunnersuut tamanna Naalakkersuisut ilassilluarmassuk Siumumiik nuannaarutigaarput taamaattumillu siunnersuut tamakkiisumik taperserlugu taamatut isikkoqartillugu aappassaaniigassanngortipparput.

Siumup pingaartippaa nunani avannarlerni killerni suleqatigiinnerup nukittorsartuarnissaa.

Doris J. Jensen, Siumut